



Bulteno de la Londona Esperanto-Klubo

<https://londonaesperantoklubo.com>

Julio - aŭgusto 2023

Kluba programo:

Julio:

7. Migrado al Eŭropo: kion pensi kaj kion fari? Thomas Bormann.



9. Gvidata vizito en Esperanto de la Tombejo Highgate (Londono). Vidu paĝon 2 por pli da informoj.



14. Ĉeesta kunveno en Londono (Highbury).



21. Titolo anoncota. Etsuo Miyoshi.



28. Neniu programo pro la Universala Kongreso de Esperanto en Torino (29-a de julio ĝis 5-a de aŭgusto)



Aŭgusto:

Neniu oficiala programo pro someraj ferioj kaj kongresoj

Lokoj, horaroj kaj aliaj informoj:

LEK kutime kunvenas vendredvespere. La duan vendredon de ĉiu monato la kunvenoj estas surlokaj kaj okazas en nia renkontiĝejo en Highbury. La renkontiĝoj komenciĝas je la 19.15h (UTC+1). Aliaj surlokaj kunvenoj okazas de tempo al tempo kaj por scii pli pri tiuj, bv. viziti la paĝon 'events' ĉe nia retejo. La ceteraj vendredaj kunvenoj okazas en la interreto per la sistemo Zoom, kun komenc-horo je la 19h (UTC+1). Ĉiuj klubanoj kaj vizitantoj, proksimaj kaj foraj, povas de ankoraŭ havi la eblon partopreni en la kluba vivo.

Novaj spektantoj de la interretaj kunvenoj povas peti ligilon al la proksim-vendreda Zoom-renkontiĝo en tiu ĉi paĝo: londonaesperantoklubo.com/zoom.html.

Haveblas ankaŭ, ĉe Jutubo, registraĵoj de prezentoj jam okazintaj. Bonvolu viziti mallonge.net/LEK-jutubo

Letero de amiko de LEK



Esperanto-Tago 2023

Alproksimiĝas la 26-a de julio, la Internacia Tago de Esperanto. Necesas plani nun! Kion vi faros okaze de tiu tago?

Mi nepre informos miajn neesperantistajn geamikojn, ke temas pri speciala tago en la esperantista kalendaro – la tago kiam en 1887 Zamenhof publikigis etan broŝuron kiu unue prezentis Esperanton al la mondo. Mi ne trudos Esperanton al ili, kvazaŭ ĝi prezentus solvon de ĉiuj mondaj problemoj, sed mi ja mencias kelkajn lastatempajn evoluojn. Ekzemple: eble la fakton, ke venontjare ni kongresos en Afriko, kie Esperanto iom post iom akumulas siajn subtenantojn kaj utiligantojn. Aŭ eble la fakton, ke miloj da homoj utiligas Esperanton en sociaj medioj; aŭ kantas per la lingvo, eĉ en internaciaj korusoj; aŭ legas en la lingvo; aŭ instruas ĝin al aliaj homoj. Mi sendos al ili ligojn al prezentoj eble interesaj al ili, ĉe jutubo ekzemple.

Inter miaj amikoj estos espereble unu-du lokaj politikistoj, aŭ instruistoj, aŭ homoj kiuj internacie vojaĝas.

Eble mi eĉ kontaktos nian urbestron, aŭ sendos mesaĝon al nia senatano aŭ parlamentano, aŭ kontaktos lokan pastron. Eble jam nun tion faros, por averti ilin, ke baldaŭ venos tiu Esperanto-tago.

Ne por trudi, sed por informi. Ne por tuj konvinki sed por interesi. Ne por montri, ke Esperanto-parolantoj strangan, sed por montri, ke ili saĝas, ke ili estas bone informitaj pri la mondo, ke ili laboras por kompreniĝo inter la homoj.

Aliflanke, se labori por kompreniĝo strangan, nomu min strangulo...



Eble mi mencios al ili, ke mi baldaŭ iros al Esperanto-kongreso en Italio, kie ĉiuj homoj parolos la saman lingvon. Mi eble mensogetos, ke ni ĉiam multon atingas en niaj kongresoj, aŭ almenaŭ faros noton al mi mem, ke mi pli diligente laboru por ja atingi multon en Torino – se nur por montri, ke per komuna lingvo ja eblas multon atingi – kaj por pretigi min por la venontjara kongreso.



Eble mi eĉ trinkos glaseton da vino honore al la lingvo kaj ĝia kreinto... Sed nur post iom da fortostreĉo, tiel ke tiu glaseto fariĝu kompenso, ne evito.

Kompreneble, mi sendos bondezirojn al miaj esperantistaj geamikoj, kiujn mi kutime kontaktas okaze de festotagoj (je Kristnasko, ekzemple). Mi dankos ilin pro ilia laboro

por Esperanto; memorigos ilin, ke ili ne laboras en izolo; instigos ilin fari pli, promesos mem fari pli.

Komprenu: se ni volas, ke la mondo festu la Esperanto-tagon, ni komencu per ni mem. Ni fieru pri nia Esperanto, sed saĝe, digne, konvinke. Ek al!

Feliĉan Esperanto-tagon! Feliĉan mondon!

Humphrey Tonkin

Internacia Ligo de Esperantistaj Instruistoj

La reprezentanto de ILEI (Internacia Ligo de Esperantistaj Instruistoj) en Britujo ŝatus restarigi la britan ILEI-sekcion. Se vi estas instruanto de Esperanto en Britujo aŭ se vi estas profesia instruisto, bonvolu kontakti min, renato@esperanto.org aŭ telefone, +44 (0)7399 273 515



Vizito de la tombejo Highgate

Maria kaj Julian, kiuj volontulas tie, gvidos viziton en Esperanto de la tombejo Highgate dimanĉon, la 9-an de julio. Ni renkontigos je 15:15 antaŭ la enirejo de la tombejo. La vizito daŭros pli-malpli 1,5 horojn.



Se vi deziras partopreni, bv. anonci vin **antaŭ la 7-a de julio** ĉe:

londonaesperantoklubo.com/Kontakto.html aŭ retmesaĝe al Anthony (anthony@esperanto.org). Se vi ne havas retaliron, bv. telefoni al 07950 774 360.

Nur enskribitaj homoj rajtos eniri la tombejon. Kutime la kosto estas £10 sed, danke al Maria kaj Julian, tiu vizito estos senpaga.

Adreso: Highgate Cemetery, Swain's Lane, London N6 6PJ


Nia renkontiĝejo

La surloka kunveno de LEK okazas unu fojon monate, kutime la 2-an vendredon de ĉiu monato. La venonta kunveno okazos **la 14-an de julio**. La kunveno troviĝas ĉe:

Highbury View, 89 Ronalds Road, London, N5 1XQ (goo.gl/maps/jNtGf5AcG68ogPrq6).

La ejo estas facile atingebla de la metrostacio **Highbury & Islington**. Temas pri pli-malpli 10-minuta piedirado. Por eniri la ejon, oni bezonas enirkodon. Ĝi estos dissendita per retmesaĝo antaŭ la kunveno. Se vi ne havas aliron al la interreto, bv. kontakti la sekretario (T. 07399 273515) por havi la kodon se vi intencas ĉeesti. Ekster la enirejo estos afiŝo kun kontaktonumero por tiuj, kiuj hazarde alvenos sen la enirkodo.

Kiel atingi Highbury View: **Metroo:** Highbury & Islington (linio Victoria). **Fervojo:** London Overground (Highbury & Islington) kaj Great Northern (Highbury & Islington aŭ Drayton Park). Aŭtobusoj: 19, 263, 271, 30, 43.



Londona Esperanto-klubo



Funkciuloj

Honora Prezidanto: Prof. John Wells; Honoraj Vicprezidantoj: Heleno Fantom, Joyce Bunting.

Anthony Bodineau (Prezidanto kaj registristo), Matt Peperell (Vicprezidanto), Arturo Prent (Kasisto), Renato Corsetti (Sekretario), Phil Housley, Alexander Ord, Olga Kerziouk, Julian Nagele, Maria Nagele, Marijus Banaitis (komitatanoj).

Maurizio Giacometto (kompilisto de la Bulteno).